

ILANNGUSSAQ

Pilersaarusioneq aamma nunaminertat atorineqartarnerat pillugit Inatsisartut inatsissisaannik nalunaarut nr. 4, 25. januaarip 2024-imeersup naapertorlugit suliniutinut qinnuteqaatit pillugit atorussat allattorsimaffii aamma ingerlanneqarnerat pillugit

Suliniutinut qinnuteqaatissatut akuersissutigineqarsinnaanissamut piumasaqaatit, Namminersorlutik Oqartussat nalunaarutaat, Pilersaarusioneq aamma nunaminertat atorineqartarnerat pillugit Inatsisartut inatsisaat nr. 4, 25. januaarip 2024-imeersoq naapertorlugu; takuuk §44 aamma §45a.

- Tunngaviusumik pilersaarut kommunip pilersaarutaanik siunnersuusiornissamut tunngaviussaaq aamma/imaluunniit nunatsinni inatsisit naapertorlugit avatangiisit pillugit periusissanut siunnersuusiornissamut (CMV) imaluunniit avatangiisinut sunniutigisinnaasat nalilersuivigineqarnissaannut (VVM) avatangiisinut sunniutissanik nalilersuivigineqarnissaannut tunngaviussalluni.
- Qinnuteqartup teknikkikkut piginnaasat piumasaqaatitai naammassisinnaanerai aamma aningaasatigut nammassinnaanerai uppersaasarsorneqassaaq.
- Tunngaviusumik pilersaarutit siunnersuusiornissamut aningaasat qinnuteqartumit akilernerqassaput.

Suliniutinut qinnuteqaatit pillugit piumasaqaatit, §44 aamma §45a naapertorlugu

§44 – Suliniutinut qinnuteqaatit pillugit nalinginnaasumik piumasaqaatit

- Qinnuteqaatip suliniutip siunertaa imarisai erseqqarissumik nassuiarneqartariaqarput.
 - Qinnuteqaatimut ilanngunneqassaput relevant-itut kortit ilanngussat aamma teknikkikkut uppersaasatit.
 - Suliniut atuuttumik kommunep pilersaarutaanut aamma nunaminertanik atuisarnermut strategi-mut naapertuuttumik inissinneqassaaq.
 - Qinnuteqartoq nunaminertamik atuisinnaanermut imaluunniit piginnittuunermut uppersaasatit saqqummiussisassaaq.
- Avatangiisinut inuiaqatigiinnullu sunniutissat pillugit nassuiaasoqassaaq.

§45a – Qinnuteqaatit nalilersorneqarneranni ilanngullugu piumasaqaatit

- Suliniut inuiaqatigiinnut ataatsimut isiginninnermi tunngavigalugu nalilersorneqassaaq.
- Piumasaqaataavoq puijuartitsineq, pinngortitamik illersuinissaq aamma innuttaasunik peqataatitsineq eqqarsaatigalugit.
- Qinnuteqaatip ingerlanissaa pillugu nassuiaatissaqassaaq, ilaatigut piffissaliussanik aamma immikkoortunik imaqarpoq.
- Atortussat allattorsimaffiat ilanngunneqassaaq, pisariaqartunik atortussanik aamma teknikkikkut piumasaqaatinik uppersaasooq.

Atortut allattorsimaffiat

- Kommune Qeqertalimmi suliniutinut qinnuteqaatit tamarmik, nunaminertamik inniminniinarlutik qinnuteqartut, Namminersorlutik Oqartussat nalunaarutaat, Pilersaarusioneq aamma nunaminertat atorineqartarnerat pillugit Inatsisartut inatsisaat nr. 4, 25. januaarip 2024-imeersoq naapertorlugu; takuuk §45, naapertorlugit, suliniummot atatillugu atortussat allattorsimaffimmik imaqarnerat piumasaqaataavoq.
- Atortut allattorsimaffiat tunngaviusumik pilersaarutit peqqissaarunneqarnissaannut qulakkeerinnittuussaaq aamma tunngaviusumik pilersaarutit tamarmik assigiimmik tunngaveqarlutik suliarineqarnissaat isumagissallugu – soorlu assersuutigalugu tunngaviusumik pilersaarutit siunnersuutip ataatsip piffissami allagarsiunneqarfiata nalaani tunngaviusumik pilersaarutit siunnersuutaasinnaasunik nassiussisoqarsinnaasarpog.
- Tunngaviusumik pilersaarutit allaaserineqarneri titartagartaallu pilersaarutit kissaatigisag nassuiartussaavaat aamma taakkua imarisai aallaavigalugit isummertoqartussaassalluni. Pilersaarut minnerpaamik makkunannga

atortoqassaq aamma makkua allaaserineqartussaassapput Pilersaarutit titartagartaa minnerpaamik 1:2.000-mik uuttuutitalik

- Pilersaarutit titartagartaata sanaartugassatut siunnersuutigineqartoq taassumalu avatangiisai takutissavai.

Sanaartugassatut pilersaarut ima uuttuuserlugu 1:500

- Sanaartugassatut pilersaarut sanaartugassatut siunnersuummik itisilikkamik allaaserinnittuussaaq (illut, nunaminertat asiariartarfiit, uninngasarfiit, biilit uninngasarfiit, toqqorsiveqarfiit inaat, eqqaaveqarfiit inaat, ineqarfiup tungaanut appakaaffiit, inuit pisuffii/ aqquserngit, teknikkikkut atortorissaarutit) qanoq inissisimanissai qanoq eqqarsaatersuutigineqarnersut uani allaaserineqassapput.

Pilersaarutit titartagartaasa immikkuualuttortai

- Sanaartugassatut siunnersuutit nunamut/ nunaannarmut/ nunap sannaanut tulluarsarneqarnera aamma sanaartugassatut siunnersuutit eqqaani sanaartukkat uani allaaserineqassapput.

Pilersaarut aamma pilersaarutit sannaasa ilusai

- Sanaartugassatut siunnersuutit atortulersuutai, qalipaatisai, tigussaasumik immikkuualuttortai aamma uuttuutai uani allaaserineqassapput.

Takussutissiat aamma uuttutit kisitsisitaasa titartagartaat

- Taakkua sanaartugassatut siunnersuutit silataasa isikkuannik allaaserinnittuussapput. Takussutissiani seqerngup tarrat, takuneqarsinnaasut sunniutigisinnaasai aamma sanaartukkat avatangiisinut malunniutissai qanorlu angissuseqarnissaat takutissinnaasussaassavaat.

Sanaartukkat piffissalersorlugu pilersaarutitaa

- Sanaartugaq immikkoortukkuutaarlugu sananeqarnera aamma pilersaarut qaqugu atuutilersinneqarsinnaassanersumik ilimasuutit pingaarnertut pilersaarummi allaaserineqassapput.

Sanaartugaq aningaasassaqaartineqarnersoq aamma teknikki eqqarsaatigalugu piviusunngortinneqarsinnaanersoq uppersaasarsorneqassaaq

Eriagisariaqartutit naleqartitat, nunaminertap avatangiisanni kulturi

- Pilersaarut nunaminertami eriagisamiippat imaluunniit taamaattup qanigisaani pilersaarut tamatumunnga qanoq isummerfigisariaqarnersoq allaaserinnittoqarsimassaaq. Tamanna aamma atuutissaaq nunaminertap sanaartorfissatut takorluukkat eqqaani illumik eqqissisimatitamik peqarpat imaluunniit eqqissisimatitap eqqaani sanaartornissaaq pilersaarutaasimappat, imaluunniit illu eqqissisimatitap imaluunniit eriagineqartussaaq pilersaarutit namminerpiaap iluani pineqarsimappat.

Qaammaqqusersuineq aamma allagartalersuineq

Suliniutit imminnut napatissinnaasut/ akilersinnaasut

Tunngaviusumik pilersaarutip qinnuteqaatitaanik suliarinnittariaaseq

- Tunngaviusumik pilersaarut tiguneqartoq paasissutissanik tamanik, atortut allattorsimaffianni allassimasunik, pisariaqartinneqartunik ilaqarsimatillugu qinnuteqaat kommunalbestyrelsimit suliarineqartussaassaaq. Tunngaviusumik pilersaarut tigusaq akuerineqarsinnaassanersoq kommunalbestyrelsip isummerfigissavaa aamma sivikinnerpaamik sapaatip-akunnerini arfinilinni allagarsiivimmitinneqassaaq.
- Qinnuteqaat kommunalbestyrelsip akuerissappagu sivikinnerpaamik taanna sapaatip-akunnerini arfinilinni tamanut saqqummitinneqarluni allagarsiivimmitinneqassaaq.
- Tunngaviusumik pilersaarutip tamanut allagarsiivimmitinneqarnerani titartakkat, allaaserinninnerit assillu pilersaarutip pivusorsiortuunerani tamanik takutitsisinnaasuussapput. Allagarsiivimmitteriaaseq kommunip pilersaarutaata tapissaanik saqqummiuttarneri assigalugit pissaaq, tassa imaappoq: tunngaviusumik pilersaarut allagarsiivinni, kommunip nuttartagaani, nittartakkaq iserfissartaani kiisalu kommunip nittartagaani allagarsiissutigineqassaaq. Piffissami allagarsiivimmi innuttaasut tamarmik aamma inuussutissarsiutillit tamarmik tunngaviusumik pilersaarummut akerliullutik oqaaseqaatinik aamma oqaaseqaatinik tunniussinissaminut periarfissaqartinneqassapput kiisalu tunngaviusumik pilersaarutaaratarsinnaasunik nassiusisinnaassallutik.
- Piffissami allagarsiivimmi tunngaviusumik pilersaarutaaratarsinnaasunik tigusaqartoqassappat, atortunik allattorsimaffimmi tamanik paasissutissartaqartunik, kommunalbestyrelsip tunngaviusumik pilersaarutitut siunnersuutit ataatsimik arlalinnilluunniit piumasaqaatitatorsinnaavai. Tunngaviusumik pilersaarutaaratarsinnaasup atortunik allattorsimaffimmiittut naammassisimassappagit tunngaviusumik nallersuussisoqarsinnaalissaaq. Pilersaarutit naligiittut kommunalbestyrelsip nalilissappagit, tunngaviusutut pilersaarutit tamanut allagarsiunneqareersut tiguneqarsimasullu arlaat ataaseq arlaannaanulluunniit attuumassuteqanngitsumit makinneqartunngussaaq. Makitsineq tamanit malinnaavigineqarsinnaassaaq.
- Akerliulluni oqaaseqaatinik imaluunniit tunngaviusumik pilersaarutaaratarsinnaasunik piffissami allagarsiivimmi tigusaqartoqassanngippat tunngaviusumik pilersaarutitut qinnuteqartoq nunaminertamik atugassaminik inniminniissunneqarsinnaalissaaq, taannalu ukiut marluk angullugit atuutissaaq. Tamatuma kingorna sanaartortitsisup siunnersorti kommunip
- pilersaarutaata tapianik suliaqartissavaa, tamanna ima paasineqassaaq; sanaartortitsisup kommunip pilersaarutaata tapia akilerlugu suliaritissavaa. Kommunip tunngaviusumik kommunip pilersaarutaata tapianik suliaqarnerani allaaserinneriaaseq atorneqassaaq aamma kommunimut wordinngorlugu TAB-filertalerlugu (MapInfo-formatinngorlugu) imaluunniit dwg-filet (AutoCad- format atorlugu) utertinneqassaaq. Kommunip pilersaarutaata tapiatut siunnersuut tamanut tusarniutitut nassiuunneqartinnagu kommunip siunnersuut misissussavaa, imarisai ajunnginnersut qulakkeerinninniarluni. Kommunip pilersaarutaata tapianik suliaqarnermi kommunip peqataatinneqartarnissaa innersuussutaavoq, tassami kommuni tassavoq taassuma imarisaanik akisussaasussaaq.
- Kommunip pilersaarutaata tapiatut siunnersuut kommunalbestyrelsimit akuerineqartussaavoq tamatuma kingorna tamanut sapaatip-akunnerini arfiniliinniit quligiluanut sivilissusilimmik tusarniutigineqassaaq (immikkoortortaq ataaseq pineqartillugu sapaatip-akunneri arfiniussapput aamma immikkoortortat arlallit pineqartillugit sapaatip-akunneri arfineq-pingasussapput).
- Taamaattorli pisuni tamani tusarniaaneq sapaatip-akunnerinik arfinilinniit arfineq-pingasunut sivilissusumik pissanersoq, naalakkersuinerimik suliallit aalajangersinnaapput.
- Piffissami tusarniaaffiusumi malunnaatilimmik akerliulluni oqaaseqaatinik tigusaqartoqarsimassanngippat kommunip pilersaarutaata tapia inaarutaasumik akuersissutigineqarsinnaavoq aamma tamanut nalunaarutigineqarsinnaavoq. Akerliulluni oqaaseqaatinik tiguisoqarsimappat kommunalbestyrelsi aalajangersinnaavoq kommunip pilersaarutaata tapia akuerineqassanersoq, allanngortinneqassanersoq imaluunniit akuerineqarsinnaassanngitsoq. Kommunip pilersaarutaata tapia malunnaatilimmik allannguuteqassappat sapaatip-akunnerini arfinilinnit arfineq-pingasunut sivilissusilimmik aammaarluni tusarniaaqqinnissaaq piumasaqaataassaaq.
- Kommunip pilersaarutaata tapia akuerineqareerpat aamma tamanut nalunaarutigineqareerpat nunaminertamik atuisinnaanermut akuersissut qinnuteqartumut tunniunneqarsinnaalissaaq.